

# Naderhand – wennehr is dat?

De Fraag, wennehr „naderhand“ is, hett al Monica Morell nich beantwortoort kregen („Später, wann is das?“, hab ich ihn gefragt...“). Mit „naderhand“ is dat ja nett as mit de „Übergangstied“ of „tüskende Jahren“. Waar fangt dat an? Waar scheid dat ut? Vandaag is mörgen al güstern, rechts is daar, waar de Duum links is, man daar, waar he rechts is, is links.



Wilko Lücht

Ok wenn man twee linke Hanneren hett. Of anners: Naderhand is nich „upderhand“.

Man wat ik egenlik seggen wull: Kennen ji ok stülkse Lüü, de alltied „Dat vertell ik di naderhand!“ seggen? Waar en Gespreck so utsehn kann: „Hest d' Harm ok sehn?“ „Nee.“ „Ik aver.

## KOLUMNE

Moin, Moin  
Schrievers  
allerbest  
Pläseer  
Smüstern  
Spraak  
moje  
hoop  
Vertelisel

## Platt maakt

Wiss! Heel ehrekl!“ „Ach wat!“ „Wullt d' ok weten, waar he is?“ „Ja! Bedröövt geern!“ „Dat vertell ik di naderhand.“ Daar vertellt een en heel spannende Geschichte, un denn scheid he direkt vör de spannendste Punkt ut. Un wenn man denn nafragen deit, denn word blot seggt: „Dat vertell ik di naderhand.“

Dat kann man ja verstahn, wenn nett in de Moment wat d'rtüskenkummt. Wenn n' to 't Bispill in de Kassenslang bi d' Bank steiht, un tomaal geböhrt en Banköverfall. Denn kann dat villicht nich so belangriek wesen to weten,

well Harm sehn hett (wat anners is 't, wenn Harm de Keerl unner de Pudelmütz is, de nett „Hände hoch! Überfall!“ böltk hett!).

Man wenn d'r nett nix tegenstött, denn kann man ja einfach wiederproten. Of sull dat amenn so wesen, dat de Geschichte gaar nich so spannend is? Dat de Verteller Harm gaar nich sehn hett? Of dat Harm de hele Tied blot in sien Kamer seten hett to Krüüzwoordraadsels lösen (un kien Bank överfallen hett)?

Up disse Fragen gifft dat kien einfache Antwoorden. Un wenn de Antwoorden denn överhoopt komen, denn is eens klaar: Se komen to laat, un denn is 't so of so nettgeliik. Of se komen naderhand. Un wennehr naderhand is, dat is ja al Monica Morell nich gewahr worden. Dat eenzigste, wat an naderhand klaar is, is, dat een naderhand alltied kloker is. Blot nich daaröver, wennehr naderhand is.